



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Signa doctrinam non uitam praedicatoris confirmant. Caput XXII.

urn:nbn:de:hbz:466:1-30114

Signa doctrinam non uitam prædicatoris confirmant.

Caput XXII.

ERgo signa non faciunt prædicatorem bonum, nec Deo acceptum. Quia & melefici Pharaonis signa fecerunt, ^A sicut Moyses amicus Dei. Illi incantationibus suis & cooperatione diaboli, hic in virtute Dei. Multi etiam in hora mortis suæ dicunt: Domine, domine, aperi nobis, saluos nos fac in nomine tuo. Quia in nomine tuo prophetauimus, demones eiecimus, leprosos mūdauimus, & virtutes multas fecimus. Sed nō exaudientur omnes operantes iniquitatem, & non facientes quæ dixit & docuit Christus. Discedit namq; ab iniquitate & facit bonitatē, omnis qui verē & salubriter inuocat nomen domini. Causabantur etiam apostoli de vno qui dæmonia eiecit, sed cum eis non sequebatur Christum, ambulando in lumine & sanctitate. Sic Scenæ principis Iudæorum septē filij circumeuntes nomen domini inuocabant. Sed & Saul olim prophetauit inter prophetas. At non idcirco probatus fuit. Nam Christus apostolis dixit: Nolite gaudere, quia spiritus mundi subijciuntur vobis. Gaudete autem, quia nomina vestra scripta sunt in cælis. ^{Exod. 7.} ^{8.} ^{Matt. 7.} ^{Luc. 13.} ^{2. Tim. 2.} ^{Luc. 9.} ^{Act. 19.} ^{1. Reg. 10.} ^{Luc. 10.}

Prōinde miracula: signa & virtutes, non sunt semper argumenta, probitatis, bonitatis & electionis eius, qui ea facit: semper tamen cōfirmatio sunt doctrinæ quam docet, alioqui, Deus testis esset falsitatis, quod nefas est, nedum dicere, sed & cogitare.

Hereticos à diabolo mitti, tota scriptura testatur.

Caput XXIII.

Possunt hæretici scripturas producere, quibus se mis-^A sos probant à Deo, sed renitentes, & per capillos tractas: Quodd autem à diabolo missi sunt & mittuntur, tota scriptura testatur, & fructus eorum pessimi confirmant.

Y de qui-